





R. P. Norberti =
Frank. Ord. = Camacho

G. I. 5









I
S
E
N
S
S
S

✠ ✠ ✠
MARIA,
IN COELUM
ASSUMPTA,
SCALA
PECCATORUM.

VENERABILI CAP-
TULO ECCLESIAE CA-
THEDRAL. VLADISL.

per

R. Michaellem Rychal-
ski, E. C V, Pœnit. S P.

ERECTA:

ANNO

à descensu DEI in terras,

M. DC. LXXVIII.
SUPERIORUM PERMISSU.

DECUS & PRÆSIDIUM
VENER. CAPITULI VLADISLAV.

De terris ad Cœlos transvecta, SCALA
facta est mortalibus, qua ad Cœlos
scendant. Leo Imperator Hom. 16.
Hæc peccatorum SCALA, hæc mea maxi-
ma fiducia est, hæc tota ratio spei meæ
S. Bernard, Serm. in Nativ. B. M. V.

IUM
LAV.

❖ ❖ (3) ❖ ❖

❖❖❖❖❖❖❖❖❖❖

ILLUSTRISSIMIS

ET

REVERENDISSIMIS

PER-ILLVSTRIBVS

REVERENDISSIMIS,

AC

ADMODVM REVERENDIS

DOMINIS,

D. D. D.

PRÆLATIS

ET

CANONICIS,

ALMÆ ECCLES. CATHEDRA-

LIS VLADISLAVIENSIS,

D. D. Patronis Colendissimis

& Observandissimis.

P. F.

Ignosci-

Gnoscite, Illustrissi-
mi & Reverendissi-
mi, Per - Illustres Reveren-
dissimi, ac Admodum Re-
verendi Domini, si nimium
fortè audax hunc qualemcumque
ingenioli mei ac studiorum ab-
ortivum fatum obtutibus Ve-
stris offerre, & Amplissimo
Vestro Nomine insignire præ-
sumpsi, æquum enim erat, ut
quemadmodum olim DEUS
Patriarchæ Jacob mentalibus
oculis SCALAM, cujus ca-
cumen Cælum tangebatur, obje-
cit; ita & ego Mystici corpo-
ris,

ris,
cujus
mysti-
bis,
Rever-
Rever-
dum
(Oportet
lati
Car-
cato
AN
sent
re
sent
quod
esse

ris, id est, Ecclesiae militantis,
 cuius CHRISTUS caput est,
 mysticis quoque ejus oculis, Vo-
 bis scilicet, Illustrissimi &
 Reverendissimi, Perillustres
 Reverendissimi & Admo-
 dum Reverendi DOMINI,
 (Oculi enim Ecclesiae sunt Prae-
 lati, teste Hugone, S. R. E.
 Cardinali) SCALAM pec-
 catorum caelestem, MARI-
 AM in caelum assumptam prae-
 sentarem: quibus & cum omni
 reverentiae significatione prae-
 sento, dico & consecro. Non
 quod existimem, opus dignum
 esse Excellentissimo Nomine
 A 3 Vestro

*Vestro, quo tum in Reipubli-
ca Polonæ aucto Stemmata,
tum inter Illustrissimos ac
Reverendissimos P R Æ-
SULES & ANTISTI-
TES, cum summa Virtutis
& raræ Doctrinæ Sapientiæq;
laude præfulgetis; Sed quod
officii mei partes exigent, in-
signis beneficentiæ Vestræ in
me demonstratæ, non obli-
visci. Ingratus est, inquit Se-
neca, qui beneficium accepis-
se se negat, quod accepit. In-
gratus est, qui dissimulat. In-
gratus, qui non reddit. In-
gratissimus omnium, qui obli-*

tus

tus est. Cum verò par nihil
 possim, hoc perpetuæ ergà Vos
 observantiæ pignus relinquere
 volui. Suscipite igitur quo
 polletis Vultu & Animo Heroi-
 co super omnes Cælos exalta-
 tã & Angelicis Choris PRÆ-
 LATAM, PRÆLATI; Ad-
 mittite Dispensatores Regiæ
 Domûs, Intemeratam DEI-
 PARAM, REGINAM
 omnium, conscendite Seraphi-
 co affectu SCALAM Cœle-
 stem, Angeli; De PRÆLATIS
 dicitur in Psal. 103. inquit Jo-
 annes Vitalis S. R. E. Cardina-
 lis: Facit Angelos suos Spiritus,
 A 4 & Mi-

& Ministros suos flammâ ignis.
Vivite DEO, MARIAE,
Ecclesiæ S. Ornamento, vivi-
te fulcimento Patriæ, pleni di-
erum, splendentes Virtutibus,
aucti Honoribus, æternitati vi-
cturi. Ita ex fundo cordis sui
sincere vovet & optat !

Illustrissimarū & Re-
verendissimarum, Per-
Illustrium Reverendis-
simarū ac Adm. Reve-
rendarum Dominati-
onum Vestrarum,

Humillimus Servus


M. R. E. C. V. Pœnit. S. P.
PRÆ-

ignis.
Æ,
vi-vi-
ni di-
ibus,
ti vi-
is sui


Re.
Per-
dis-
ve-
ti-

. S. P.
PRÆ.





q
r
t
e
s
C
q
f
C



PRÆFATIO.



* * * * *

Evocatus ad Vi-
tam à S. Martiali
Episcopo, Adolescens
quidam, jussus ea, quæ in Inferno
vidit, narrare, surrexit, & dixit:
Infernus nullam habet mensuram, ibi
est fletus, & amaritudo, tenebræ, mu-
gitus, planctus, tristitia magna, frigus,
& ignis magnus & horribilis, & nun-
quam deficiens, morsus serpentum,
fætor intolerabilis, putredo, miseria,
& vermis, qui nunquam moritur, ibi
As sunt

sunt carcerarii infernales, qui animas
flagris cruciant. Quæ inferorum
supplicia, tam magnum atq; adeò hor-
rendum & infinitum sunt malum, ut
homini, qui hoc credat, nulla alia
prorsus cura, nullus alius omninò me-
tus esse debeat, quàm ne in illud tan-
tum & tam ingens ærumnarum omni-
um barathrū aliquando demergatur.
Id usq; adeò verum est, ut quamvis
divino quopiam Oraculo constaret, ex
totâ hominum qui sunt, fuerunt, vel
erunt, universitate, unicum omninò
ad tormenta illa condemnandum; u-
numquemque tamen in perpetuo ti-
more & tremore vivere meritò oport-
eret, ne ipse videlicet is esset, tam
infortunatus ac miser, in quem sors
tàm horribilis infelicissimè caderet.
Nunc autem eum tot evidentissimis
SPIRITVS S. testimonis, & aliis
certis-

certissimis constet argumentis & revelationibus (ut hic summam cui-
bet ob oculos ponitur) multos esse, imò
plurimos, ac tantum non infinitos qui
spatiosam perditionis viam incedunt,
paucissimos qui arctam viam salutis:
quanta hac in re omnium & singulo-
rum, quorumcunq; debeat esse sollici-
tudo. & efficax operatio, qua & pe-
reuntium reproborum innumera sub-
trahatur multitudini, & electorum
in æterna felicitate pusillo tandem cœ-
tui aggregetur. Nullum autem cer-
tius prædestinationis signum esse po-
test, quàm fidelis amor, fervens de-
votio, & continua laus Sanctissimæ
DEI Genitricis MARIE, juxta
illud Eccl. 24 In multitudine electo-
rum habebit laudem, & inter benedi-
ctos benedicetur. Ubi subtilis quidam
Auctor ita discurret: Qui porro in

Sacris sunt literis electi? qui benedicti? nonne ii, qui ad vitam eternam præordinati sunt, dicente Evangelio: Multi vocati, pauci verò electi. Et illud: Venite benedicti Patris mei. En quomodo consonant Scripturæ, Sapientia, sub quo nomine Beata Virgo intelligitur, habuit laudem in multitudine Electorum, & inter benedictos benedicetur. Quod si igitur laudas animitus, & deprædicas Sanctam DEI Genitricem, electus es, si benedicis ei, benedictus es: & utrumq; teste ipsa Sapientiâ omen est, ac tessera prædestinati. Hinc S. Anselmus de excell. Virg. c. 1. Quomodo, inquit, fieri potest, ut ex memoria laudum ejus salus non proveniat peccatorum, cujus uterius factus est Via. (SCALA) ad sanandum peccatorem venienti Salvatori. Et Franc. Coste-

Costerius in domo propitiat. Sicut, inquit, Filius DEI datus est nobis in pretium, ita Mater DEI data est nobis in solatium, cuius munus planè sit Filium nobis dare, ejus merita impetrare, ejus satisfactionem & pœnas nostris vulneribus, atq; peccatis applicare. Cum magna ergo fiducia ad eam & rogemus MARIAM, cum enim mitissima sit, repulsam non patiemur. Et quia tota amabilis ac suavis, nihil antiquorum peccatorum exprobrabit: Et quamvis non sit speciosa laus, inquit Sophronius, in ore peccatoris, noli cessare à laude, quia inde tibi permittitur venia, unde & omnibus, ut laudes. Cum verò, ut ait S. Ildelfons. Ser. i. de Ass. Vera laudatio cordis, imitatio est operis; idcirco ipsius Virginis profundam humilitatem, integerrimā ab omnibus carnis illecebris puritatem, ardentissimum erga DEUM amorem, ceterasq; ejus virtutes pro Viribus imitandas suscipiamus, atq; adhortante D. Laurent. Justiniano de Nativ. V. DEUM veneremur in Ma-

14 MARIA in cœlum assumpta.
tre, Matremq; honoremus in Filio, qua-
tenus Filium Genitricis interpellante pro
nobis, vincamus mundum, diabolum
superemus, reuitamur temptationibus, a-
dipiscamur Coronam, atq; regnum in-
trocamus æternum.

S. I.

Variæ ad Cælum Scalæ recensentur.



Cribit Polyæ-
nus Lib. 7. Strata-
gemat. Apud Thra-
ces Cosingam Junonis Sacerdotem,
ac de gentis more belli Ducem, de-
trectantibus imperium Thracibus,
lignæas SCAZAS quàm plurimas in-
gentesq; construi, & alias aliis im-
poni curasse, quibus in cœlum ad
Juno-

Junonem de contumacia plebis accusaturus ascenderet. Quo facto stupidam gentem ita perculit, ut se in posterum obedientem fore iurando firmaret. Hunc ascensum Sclarum, quem ille ementiri potuit, non autem perficere, cuius ad verum Numen conscendenti, necessarium esse docet Joannes Climacus grad. 26. Omni arte, inquit, omniq; studio quisq; uti debet, ut lutum hoc à terra elevans in DEI folio collocet. Idcirco variæ exstant Scalæ, quibus Cœlum conscendi potest; Scala est Religio, nam S. Hieron, Ep. ad Furiam, vocat Religiosam Vitam Scalam Jacob. uti & S. Benedictus in Reg. c. 7. per hanc Scalam S. Romualdus suos Religiosos vidit in cœlum conscendentes. Alia SCALA est scientia, teste Richardo Victor. Trac. de exter. mal. c. 6. Felices, inquit, quibus exteriorum Scientia, fit Scala ascensionis,

16 MARIA in cœlum assumpta.
nis, non ruina dejectionis. Per hanc
ad astra conscendit S. Andreas Cor-
sinus; ipso enim Christi nascentis
pervigilio, visus est per Scalas in cœ-
los conscendere. Alia Scala est Cre-
aturarum omnium: DEUS namq;,
inquit, S. Basilius Orat. I. cum res
creatas in modum Scalæ adopravit,
per eam sui amantibus ascensum,
ad se extruxit. Per hanc S. Francis-
cus Seraphicus ascendebat, de o-
mnibus sibi SCALAM faciens, per
quam conscenderet, ad apprehen-
dendum eum, qui est desiderabilis
totus. Teste D. Bonavent. in ejus
vita. Alia est SCALA patientiæ
& Martyrii, prout loquitur D. Sal-
vianus: Martyres ad cœlestis regiæ
januam, gradibus pœnarum suarum
ascendentes, SCALAS sibi quo-
dammodo de equuleis catastisq; fe-
cerunt. Ita S. Sadoth Ep. SCALAM
ad cœlum usq; porrectam, vidit,
& se à S. Simeone magnis vocibus
sursum

sursum invitari audivit, & postea
unà cum centum viginti octo aliis,
capite plexus, eo, quo invitatus e-
rat, abiit. Alia S C A L A est pœni-
tentia: Magna super terram est pœ-
nitentia, inquit, S. Ephrem. Trac.
de pœnit. quoniam S C A L A ani-
mabus fit eo ascendendi, unde per
peccatum deturbatæ sunt. S. The-
oni S. Petrus S C A L A M in cœlum
porrectam ostendens, dicebat: per
eam in cœlum eos evadere, qui hinc
exeunt perpurgati magis: nonnul-
los verò minùs perfectos, aiebat,
in cœnobio diutiùs debere purgari.
Hinc Solitudo S C A L A vocatur à
S. Laurent. Justin. Lib. de vit. Solit.
S C A L Æ sunt Virtutes omnes, sic
nos Sanct. Chrysostomo adhortante.
Hom. 82. in Joan. tanquam per
gradus quosdam ascendentes per
S C A L A M Jacob, ad cœlum perve-
niamus: etenim S C A L A illa pau-
latim per Virtutes ascensum signifi-
care

care videtur, per quam à terra in cœlum ascendere licet, non gradibus sensibilibus, sed morum incremento. Quemadmodum ascendebat S Furseus, qui quodam mentis excessu, de se suiq; similibus illo Psaltis versiculo: Ibunt Sancti de virtute in Virtutem &c. 85. gratulantes Angelos audivit. Quin ipsa vitia in SCALAS ad cœlestem beatitudinem converti posse à S. August. traditur in Append. serm. 58. Elevabunt nos, si fuerint infra nos: De vitiis nostris SCALAM nobis facimus, si vitia ipsa calcamus. S. Perpetua Mart. per quietem, angustam & auream SCALAM, in cœlum usq; porrectam, vidit, plenam hinc atq; inde cultris & gladiis, sub qua Draco jacebat, formidabilis ascensuris; quem tamen ne timerent, S. Satyrus puer, mox Martyr, SCALAM conscendens, socios hortabatur. His igitur enumeratis SCALIS

LIS cœleste panditur iter; verùm
præter istas supersunt adhuc binæ
& præcipuæ de quibus.

S. II.

Primariæ ad Cœ-
lum Scalæ, JESUS,
& MARIA.

PRima & præci-
pua ad cœleste Pala-
tium SCALA est, JESUS
Crucifixus. Discurrunt SS. Docto-
res cur Christus DOMINUS Cru-
cem portarit? Et bajulans sibi cru-
cem. Joan. 19. Glossa ait: Ut illam
illis commendaret, qui post ipsum
erant portaturi. S. Bernard. serm.
15. in Cant. Ut in eâ peccata tua,
& totius mundi crimina deferat ad
locum

MARIA in cœlum assumpta. 20
locum expiationis. Isidorus Pelus.
Lib. 1. Ep. 289. Ut eam tanquam
Victor humeris tollens incederet,
Sanctus Gregorius Nazianzenus Ora-
tion. 2. in Pasch. Ut balantem o-
vem inveniret, inventam eisdem
humeris, quibus & crucis lignum
sufferret. Hugo Carem. Suam por-
tat crucem, ne putares Christi cru-
cem sufficere sine tua. Tandem B.
Simon de Cassia Lib. 13. in Pass.
Ut nobis SCALAM in cœlum pa-
raret. Interrogat enim Christum?
Quare defers Domine hanc ligno-
rum sarcinam? Et respondit in perso-
na ejusdem: Porto lignum, ut præ-
terhumanas artes, ex ipso faciam gra-
dus ascensionis in cœlū. Nam Crux,
teste S. Aug. serm. 8. de Verbis Domi-
ni, SCALA est, qui in hanc SCALAM
non ascendit, neq; in cœlum ascen-
det, neque Christum videbit. Sicut
autem Jacob vidit DOMINUM inni-
xum SCALÆ; ita nos DEI Fili-
um

um cruci non innixum sed affixum
videmus ait Benedictus Fidelis.

Alter a SCALA cœlestis est DEI
Mater B. V. MARIA. S. Bernar-
dus assererat, quod Auctor mirabi-
lium DEUS, tria quædam mirabi-
lia operatus est in MARIA. Pri-
mum: Integritatem munditiæ mi-
rabiliter conservavit, ut Arca testa-
menti auro purissimo tegeretur.
Secundum: Puritatem Virgineam
potenti virtute fecundavit, ut Ru-
bus ardens non combureretur. Ter-
tium: Imma supernis ineffabiliter co-
pulavit, ut SCALA Jacob medi-
ante terrena cœlestibus unirentur.
Unde Richard. de S. Laur. Lib. 10.
de laud. B. V. Nota, inquit, quæ
dignitas MARIE, quæ designatur
per SCALAM. Hæc SCALA ad-
huc in utero Matris erecta fuit, te-
ste S. Andr. Creten. Prophetarum præ-
dicationes nunc implentur, mons
enim sanctus in Annæ visceribus
collo-

22 MARIA in cœlum assumpta.
collocatur, iisdem inseritur SCALA
Divina. S. August. verò serm. 11,
de Nativit. Domini: Facta est, in-
quit, MARIA, SCALA cœlestis,
quia per ipsam DEUS descendit
ad terras, ut per ipsam homines a-
scendere mereantur ad cœlum, I-
dem asserit S. Fulgent, serm. de B.
V. M. DE Ipara omnibus mortali-
bus ad cœlum SCALA est. Sed
ad propositum meum Leo Impera-
tor Hom. 16. ait: De terris ad cœ-
los transvecta, SCALA facta est
mortalibus, quâ ad cœlos scandant.
Hinc D Bonavent. in Hymno Te Ma-
trem DEI laudamus &c. Tu, inquit,
SCALA Regni cœlestis & gloriae.
Et S. Ephrem, sic eam salutat: Ave
Porta cœlorum, & SCALA ascen-
susq; omnium. Orat. de Deip. Jam
verò ex his duabus SCALIS qua
sit ascensu felicior & securior, ex
sequenti Historia patebit.

Legitur in Chronicis Minorum


part, I

part. I. L. 2. c. 35. Fratrem Leonem Socium S. Francisci in somnis vidisse homines ad Judicium, Angelis tubis personantibus in quodam magno prato congregari, in quo duæ SCALÆ erant à terra in cœlum protensæ, una rubea, in cujus summitate videbatur Christus, quasi offensus & iratus, altera ex aliâ parte alba, in qua aderat DEIPARA. S. Franciscus verò suos Fratres magna voce, ut ad Christum fidenter ascenderent, invitabat; inter ascendendum autem unus è tertio, alius è quarto, alius è decimo gradu, alius è media SCALA, alius ex summitate cadebant: Cumq; S. Franciscus Christum Regem pro suis Fratribus interpellaret, Christus illi ostendebat manus & latus recenti sanguine perfusa, quæ ab ejus Fratribus sibi facta querebatur, qua suorum ruina permotus S. Franciscus, fratres ad SCALAM albam evocavit, in
cujus

24 MARIA in cœlum assumpta,
cujus summitate Virgo DELpara ap-
paruit, quæ eos benignè excipiebat;
ita ut sine labore in regnum ingre-
derentur. Haud poterant Religiosi
Fratres SCALAM rubeam, quæ ri-
gorem justitiæ Divinæ denotabat, con-
scendere, & nos miseri ingenti gra-
vissimorum peccatorum sarcina on-
nusti quomodo conscendemus? ô
quam multi & pænè innumeri ex
hac SCALA justitiæ Divinæ in horas
& momenta decidunt in profundum
infernî, & æternum pereunt!

§ III.

Scalæ ad Infernū
non sunt necessariae.

 Oseph^o Scaliger,
de Veronensium Sca-
ligerorū sanguine se jactitans,
in

in Symbolum gentilitatis delegit
 SCALAS alas, cum Lemmate:
 SCALIS & Alis. Quos altos Spi-
 ritus hominis heterodoxi, ut alter
 reprimeret, ad inferos cum sui Se-
 ctatoribus ruentis, subiecit: Ibi
 non opus est SCALIS nec Alis:
 quia facilis descensus averni. Pro-
 fectò facilis, uti constat ex Scriptu-
 ra sacra. Genes. 6. Præco Justitiæ
 Nœ, centenos omnino annos orbis
 eluvium concionatus est; at omni-
 bus in scelere obfirmatis, Pauci, id
 est octo animæ, salvæ factæ sunt:
 reliquos omnes mortales non modo
 pelagus, sed & tartarus absumpsit:
 Omnis quippe caro corruerat
 Viam suam. Et ut Pererius in c.
 6. Gen. Lib. 9. Disp. 3. n. 63. do-
 cet, atque ex Sancto Augustino con-
 firmat, omnes adulti, qui in dilu-
 vio perierunt, in peccatis mortui,
 æternum damnati sunt. Regio
 Jordanis, quæ olim Universa irri-
 gaba-

26 MARIA in cælum assumpta,
gabatur sicut Paradisus Domini,
quinque regna seu civitates comple-
tebatur. In his usque adeo re-
gnavit abominabilis libido peccati,
ut non reperirentur illic decem, qui
non eo scelere contaminati forent.
Quid igitur? Pluit Dominus super
Sodomam & Gomorrhæ sulphur
& ignem, & subvertit civitates
has, & omnem circa regionem; u-
niversos habitatores Urbium, & cun-
cta terræ virentia. Loth solus cum
Uxore (qua & ipsa post se respiciens,
in salis statuam est conversa,) & du-
abus suis filiabus, incendium illud
evasit. Genesis 13. Hinc Sanctus
Gregorius Libr. 4. moral. cap. 10.
ait: DEUS destruxit Pentapolim;
igne punitus fuit ardor libidinis.
Tobias ex Tribu & Civitate Nephta-
li, cum Junior esset in Tribu sua, ni-
hil tamen puerile gessit in opere.
Denique cum irent omnes ad vitulos
aureos, quos Jerobeam fecerat Rex
Israel,

Israel, hic solus fugiebat consortia omnium: sed pergebat in Jérusalem ad Templum DOMINI, & ibi adorabat Dominum DEUM Israel, Tob. 1. Recensiti filii Israel, Numer. cap. 1. inventi sunt in Tribu Nephtali, à vigesimo anno & supra, omnes qui poterant ad bella procedere, quinquaginta tria millia quadringenti; nec pauciores Tobiaë temporibus fuisse, existimandum. Atqui hi omnes, Idololatræ, Vitulos aureos adorant. Solus Tobias eorum fugit consortia. Quid de reliquis Filiorum Israel tribubus censendum?

Probatum adhuc facilis descensus averni per similitudines: Isaia 24. Hæc erunt in medio terræ, in medio populorum. Quomodo si paucæ olivæ quæ remanserunt, excutiantur ex olea; & racemi cum fuerit finita vindemia. Id est, tam pauci salvabuntur in orbe

28 MARIA in celum assumpta,
terrarum, ex tota hominum multi-
tudine, quàm paucæ relinqvuntur
olivæ in ardore postquam excussæ fu-
erint. Rursum, quàm paucæ re-
periuntur uvæ in vite post vinde-
miam, tàm pauci salvabuntur.
Horrenda & terribilis comparatio,
inquit Adamus Sasbout, Homil.
Domin. Septuages.

Quomodo interrogabis terram,
& dicet tibi, quoniam dabit terram
multam magis; unde fiat fictile,
parvum autem pulverem unde au-
rum fit: Sic & actus præsentis sæ-
culi: Multi quidem creati sunt
pauci autem salvabuntur. Esdra
L. 4 c. 8 Qui quidem liber, et si S. Scri-
pturæ libris non accenseatur, exi-
miæ tamen est auctoritatis q. d. sic-
ut terra multam dat materiam, ex
qua fictilia fiunt vasa; paucam ve-
rò ex qua fiat aurum, argentum &c.
Sic multi sunt hominũ de terra terre-
ni, & de reproborum numero; pauci
autem

autem de cœlo cœlestes, & de numero prædestinatorum. Atque fortasse, ait Franciscus Suarez, ob hanc causam in Scriptura electi dicuntur vasa aurea, & comparantur gemmis & lapidibus pretiosis, quia sicut hæc sunt rara; ita etiam illi. In 1. part. D. Thomæ L. 6. de prædest. c. 3.

Idem deceptus facilis averni stabilitur exemplis. Trithemius in Chronicis ad Annum 1160. tradit quendam mortuum Eremitam antea Archidiaconum Lugdunens. ab Episcopo Lugdun. requisitum, ut, quis status ejus esset, ediceret, taliter respondisse: Ea hora in qua ego migravi de corpore, triginta millia hominum ex hac luce transferunt; è quibus Bernardus Abbas Clarevallensis unâ mecum evolavit ad cœlos, tres alii ad purgatorium; & cœteri omnes per sententiam justijudicis, condemnati ad inferos cruciandi perpetuo descenderunt.

50 MARIA in cælum assumpta.

Sanctus Antoninus 3. p. hist.
tit. 24. cap. 9. Sec. 2. scribit scemi-
nam cujusdam vitii sibi consciam,
quod pro suggestu gravissimis verbis
Bertoldus Ord. Sanct. Francisci inse-
ctabatur, tantis animi doloribus op-
pressam, ut exanimis repentè con-
ciderit; mox tamen ad preces po-
puli ad se rediit, recensuitq; ad tri-
bunal DEI adducta sexaginta mil-
lia, vario mortis genere defuncto-
rum, ac tres duntaxat animas, ex
ingenti hoc numero ad purgatorias
pœnas relegatas, cæteras ignibus ad-
dictas æternis,

Sanctus quidam Eremita, uti
refertur in Libr. de ortu Carthusi-
ensium, visitatus ab Innocentio VI.
Papa, pro tunc Cardinali, & ab au-
licis quasi mortuus excitatus, cla-
mavit voce magna: ô! ô! vidi mi-
rabilia! vidi horribilia! sciscitanti
verò Cardinali, respondit: Ductus
ad infernum, vidi decidere animas,
sicut

sicut nives densissimas, aërem obnubilantes: ad purgatorium verò sicut nivem rarissimam: sed ad Paradisum tantum tres introire vidi animas, illius scilicet Episcopi, & illius Prioris Carthusiens. & istius Viduæ Romanæ, singulas suo nomine compellans personas. Cardinalis igitur veritatem scire volens Visionis, missis hinc inde nuntiis, comperit animas illas eodem tempore, corpore solutas fuisse.

S. Obitus, miles Nobilis, postquam infernum, & animas eò, instar densæ nivis, descendentes vidisset, vitæ reliquum tempus in severa corporis afflictatione duxit. Nadasi An. Cælest. 4. Feb.

Hæc qui legit, nonne sanam illam Philippi Cancellarii Parisiensis quaestionem Guilielmo ejusdem Urbis Præsuli propositam arbitrabitur: qui ann. 1238. teste Cantiprat. L. 1. ap. ab inferis redux, se ei exhibens

32 MARIA in cœlum assumpta.

hibens, percunctatus est, utrum mundus adhuc subsisteret? Annuente cum admiratione Episcopo, subdit ille: Ne mirare quod hoc interrogem: Tantus enim numerus damnatorum descendit ad infernum, quamdiu in eo sum, ut nunquam credidissem tot homines inveniri in mundo. Sed obicietur forte hanc multitudinem damnatorum conflata ex infidelibus, &c. De fidelibus autem & Catholicis sub S. Romanæ Ecclesiæ protectione Viventibus quid sentiendum?

S. IV.

Sine Scalis, etiam
Christiani & veri Ca-
tholici, descendunt in in-
fernum.

Marga-

rum
uen-
sub-
ter-
da-
um,
uam
ri in
nanc
infla-
deli-
Ro-
enti-

m
Ca-
in-
rga-



Clamaverunt iusti et Dominus exau-
divit eos. *Psalm. 33.*

Bug Mój y wszytko te
y zawsze w ciele y wieczne

Bug Miłota jest y kto w mi
Nieska w Bogu Nieska a Bug

... Ciemne Niekonie Zafi ed ...

U
mo
Po
fan
co
lar
die
tur
nu
ruc
pro
ga
an
pro
cel
arr
int
om
co
ne
da



Argaretha Au-
striaca, Philippi III.

Uxor, paucis ante extremum
morbum diebus inambulans Regio
Porticu, vidit piam tabulam appen-
sam, in qua angustæ SCALÆ in
coelum erectæ: per quas genio tutelari
duce quosdam conscendere vi-
dit, infernè verò per latos gradus
turmatim alios, tenentes tympanum
& citharam, ad Tartarum pro-
ruentes. Hic Regina in lacrymas
profusa, dum à matrona comitè ro-
garetur; respondit: o Soror! in hoc
incipiti bivio collocata sum, dubia
prorsus, ubi animus è corpore ex-
cesserit, an hac, an illac, quod iter
arrepturus. Quodsi anceps hæret
integerrima Princeps, meritò etiam
omnis Christianus continuò horrore
concuti debet, sensum intimè pe-
netrando horribilis illius & tremen-
dæ sententiæ, multi sunt vocati,

B 5 pauci

34 MARIA in cœlum assumpta.
pauci verò electi. Matth. 20. Nemo enim scit, an illa vocatione sit vocatus, quâ secundum propositum illi vocati sunt, de quibus scriptum est: Quos vocavit, illos & justificavit, illos & glorificavit, Rom. 8. Nemo scit, utrum amore, an odio dignus sit, sed omnia in futurum servantur incerta. Ecclesiast. 9. Exiguum verò esse numerum Electorum, & multo minorem, quam reproborum, etiamsi de solis Orthodoxæ fidei cultoribus, exclusis parvulis, qui ante usum rationis obeunt, Sermo sit; infallibili Scripturarum testimonio multisque indiciis & rationibus, atque ipsa experientia evincitur.

Numer. 14. Moysen sexcenta millia virorum Israelitici populi, (qui typum haud obscurum fidelium Christianorum expressit,) absq; parvulis & mulieribus, eduxisse Ægypto legimus, qui ut minimum.

Vige-

Vigefies centena millia, seu duos
Milliones æquabant, præter vulgus
promiscuum innumerabile, Exodî
12. quod sublequebatur: Verùm
è tanto tamque innumerabili exer-
citu filiorum Israel, duos solummo-
do Josue & Caleb, in terram pro-
missionis pervenisse, cæteris omni-
bus eremum pro capacissimo tumu-
lo fuisse. Quod, ut Sanctus Au-
gustinus Sermon. 32. de Verb. Do-
min. non Barbaros; sed suos com-
monet, non transitoriè vel negligen-
ter, sed ingenti tremore confide-
randum est, quia de sexcentis mil-
libus duo tantùm terram promissi-
onis ingressi sunt. Ex quibus con-
cludit: Hoc ergò audiant, qui i-
ta DEUM misericordem esse volunt,
ut justum esse non credant. Hæc
autem in signo contingebant illis,
ad ostendendum, quàm sit exiguus
numerus electorum, comparatione
reproborum.

36 MARIA in cœlum assumpta.

Rex David cum quæssisset à Domino: Quis habitabit in tabernaculo tuo, Psalmo 14. Spiritu Sancto responsum suggerente, ait: Qui ingreditur sine macula, & operatur iustitiam. Item in alio Psalmo 23. Quis ascendet in montem Domini? Innocens manibus & mundo corde, Quis autem potest dicere, mundum est cor meum, purus sum à peccato. Proverb. 20. Aut quis audebit asseverare, se innocentem esse, & omni macula carere? Dicit CHRISTUS: Qui non accipit Crucem suam, & sequitur me, non est me dignus. Matthæi 10. At CHRISTI Crucem quàm pauci amplectuntur? Audiamus Apostolum: Omnes quærunt quæ sua sunt, non quæ JESU Christi. Philipp. 2. Qui autem Christum non quærunt, reprobii sunt. Rursum ait Redemptor noster: Amen dico vobis, nisi conversi fueritis, & efficiamini si-

cut

cut parvuli, non intrabitis in regnū
coelorum. Matth. 18. Hoc verò si
exponderit humana superbia, inve-
niet absque dubiō paucissimos esse,
qui per humilitatem, & simplicita-
tem in naturam puerorum reverti
studeant. Testatur Apostolus e-
os, qui secundum propositum voca-
ti sunt Sancti, prædestinatos à DEO
fuisse, ut conformes fierent imagini
Filii sui. Roman. 8. At quis est,
qui possit gloriari, Vitam suam Vitæ
CHRISTI conformem esse, Quis
est, qui cum ipso patiat, ut si-
mul possit glorificari? Omnibus di-
ctum est: Si vis ad vitam ingredi
serva mandata. Matth. 19. Om-
nes autem declinaverunt, simul
inutiles facti sunt, non est qui fa-
ciat bonum, non est usque ad u-
num. Psalm. 13. Regnum coelo-
rum vim pati, & violentos illud ra-
pere, coelorum REX testatus est.
Matthæi 11. Violentum verò cum

38 MARIA in cœlum assumpta.

fit contra naturam, in paucis contingit, unde fit, ut pauci omninò fiat, qui vim sibi interre velint, & illud regnum futurum, à sensibus abstractum, & solo fidei lumine obscure cognitum, bono sensibili & præsentì præterre. Quod si stellæ non sunt mundæ in conspectu DEI, quales erunt homines terræ affixi, & in densa sæculi nocte viventes? Si omnes justitiæ nostræ sordidissimæ sunt, ut ait Propheta, quales erunt injustitiæ & iniquitates? Isai. 64. Si justus vix salvabitur, impius & peccator ubi parebunt? 1. Pet. 4.

Confirmari idem potest ex paucitate eorum, qui ex hac vita verè contriti decedunt: quamvis enim multi videantur hominibus benè mori; dolor tamen de peccatis ex metu mortis procedens, ad veram penitentiam difficillimè pertingit. Nam quomodo poterit bonam vitam inchoare peccator, cum ad ejus finem

perve-

pervenit? Quomodo poterit super omnia mala detestari peccata, suasque delicias abominari, quas totius vitæ decursu intensissime adamavit? Quomodo ex animo pœnitentiam amplecti, à qua semper abhorruit? Quomodo statuet efficaci decreto deserere, si vita supersit, quibus inveterato usu assuevit? Quomodo intellectus inter morbi & mortis angores res supernaturales, à sensibus remotas meditabitur, de quibus integris viribus aut nunquam, aut nonnisi obiter cogitavit? Quomodo vincet contrariis actibus antea vitæ consuetudinem in tantis ægritudinis, temporis, & temptationum angustiis? Profectò signanter observat Doctor Angelicus opusculi de erud. Princ. L. 5. c. 8. Hæc animadversione percutitur peccator, ut in morte obliviscatur sui, qui vivens oblitus est DEI. Unde gravissimi Theologi Coninch, Suarez, Hen-

40 MARIA in cœlum assumpta.
Henriquez, Magist. Sent. Anton.
&c. docent, eum, qui vellet dif-
ferre pœnitentiam ad finem vitæ, in-
dubiè peccaturum mortaliter, ob
præsentissimum periculum æterna
damnationis, cui se exponit: &
qui tam diu manet, alienus ab ami-
citiis Divinis, ipso facto ostendit;
se eam parvi facere; quod continet
gravem injuriam in DEUM. Ac-
cedit, illum peculiari gratia, quæ
ad contritionem requiritur, omni-
nò indignum in morte, qui ea sæ-
piùs oblata in vita uti neglexit; ad-
ditque Deaponte in cap. 6. Matth.
annot. mor. 80. rarò, & veluti ex
miraculo concedi, ut in eo extre-
mo conferatur; ad quod probandum
severè expendit Sententiam D. Am-
brosii dicentis in fine Lib. 2. de pœ-
nitent. Qui autem positus in ul-
timo infirmitatis acceperit pœni-
tentiam; Signa, inquit, Verbum
hoc, si confessus fuerit: & exit de
corpore

corpore. fateor vobis, non illi negamus quod petit, hoc est absolutionem; sed non præsumo dicere, quod benè hinc exit, non præsumo, non polliceor, non dico, non vobis promitto, non vos decipio. Mirum, cum sit confessus, & absolutionem acceperit; sic trepidus Ambrosius de ejus Salute. Et ratio: Quia, ait, dum agis pœnitentiam, quando peccare jam non potes, peccata te dimiserunt, non tu illa. Cum autē vera contritio odium peccatorum includat, & firmum propositum non peccandi, propter DEUM summè dilectum; qui tunc pœnitet, quando illum peccata deserunt, non pœnitet, quia illa abhorret, sed quia amplius peccare non potest. Divo Ambrosio consentit S. Augustinus. Hom. 41. ex. 50.

Hujus rei luculentum exemplum Rex Antiochus præbuit 2. Mach 9. Cum enim ad extrema devenisset, sub

42 MARIA in cœlum assumpta,
sub potenti manu DEI humiliavit
se, orans & promittens, illata Ju-
dæis damna resarcire, templum ex-
ornare, spondens insuper, se de su-
is redditibus pertinentes ad sacrificia
sumptus præstiturum, & abnegato
ethnicismo, se Judæum futurum, o-
mnemque terram perambulaturum,
& prædicaturum DEI potestatem.
Quis poterat à peccatore plura &
certiora Pœnitentiæ signa exigere?
Et hic tamen veniam non meruit,
sicut dicit Scriptura: Orabat Scele-
lestus DEUM, à quò non esset mi-
sericordiam consecuturus, quia ni-
mirum ejus pœnitentia, ex metu
mortis procedens, sincera non fuit.
Hinc S. Hieronymus moribundus di-
xit: Vix de centum millibus homi-
num, quorum mala semper fuit Vi-
ta, meretur à DEO habere indulgen-
tiam unus. Teste Eusebio Epist. 85.
de transiæu Sancti Hieronymi. ad Da-
masum Pap. Et inferius: Qui dum

sanus

FEC

a.
 miliavit
 ata Ju-
 um ex-
 e de su-
 crificia
 negato
 um, o-
 urum,
 atem,
 ura &
 igere
 eruit,
 Scele-
 et mi-
 uia ni-
 metu
 n fuit,
 dus di-
 homi-
 fuit Vi-
 ulgen-
 ist 85.
 ad Da-
 i dum
 sanus



MAGNA QUI POTENS EST.

C. P. C. H. 128. Mart. Engelbr. sc et excud. A. N.

fan
re
reb
tia
to
ci
m
E
vi
vi
in
po

I

o
o
o
o
o

sanus est & juvenis DEUM offendere non formidat, in morte non merébitur divinam obtinere indulgentiam. Hoc teneo, hoc verum puto, hæc multiplici experientia didici: quod ei non bonus est finis, cui mala semper fuit vita. Idem Ibid. Et Joan. Trithemius Tract. de Instit. vitæ Sac. c. 2. ait: Qui omne tempus vitæ suæ in luxuria consumpserunt, in extremis vitæ suæ articulis, veram poenitentiam rarò consequuntur.

§. V.

Idem docent SS.

Patres, & Ecclesiæ

Doctores.



Ajor tam Doctorum quàm Scholasticorum Classis docent, majorem Partem

44 MARIA in cœlum assumpta.
partem Catholicorum damnari, Rex
David Psalm. 33. inquit dicens:
Quis est homo, qui vult vitam? S.
Basilius considerans hunc locum,
& ad quæstionem Davidis respon-
dens, sic ait: ô quam pauci! ô
quam pauci sunt, qui vitam deside-
rant; nam pauci correspondent DEI
vocationi.

S. Augustin. Lib. 3. contr. Cresc.
c. 66. demonstraturus numerum
præscitorum multò majorem esse,
quàm prædestinatorum, tale indis-
solubile format argumentum, di-
cens: Quomodo ipse Dominus di-
cit, quàm arcta est via, quæ ducit
ad vitam, & pauci sunt qui inve-
niunt eam; si idem Dominus alibi
dicit: Multi ab Oriente & Occiden-
te venient, & recumbent cum A-
braham? Si iidem sunt pauci, quo-
modo multi? neq; unum horum
est verum, & aliud falsum; cum u-
trumq; sit divina veritate prolatum.
Sed

Sed ecce quid dicam? Iidem ipsi boni, veriꝑ; Christiani, qui per seiplos multi sunt; in comparatione malorum falsorumꝑ; Christianorum, iidem pauci sunt.

S. Chrysostomus Hom. 40. ad populum Antioch. è cathedra dicens, quærit: Quot esse putatis in civitate nostra, qui salvi fiant? Infestum quidem est quod dicturus sum, dicam tamen: Non possunt in tot millibus centum inveniri, qui salventur, quin & de his dubito. Quanta enim in juvenibus, quæso, malitia? quantus in senibus torpor? Filii curam gerit nemo; nemo zelum habet, ut senem respiciens imitetur: exemplaria deleta sunt, propterea neque juvenes laudabiles evadunt. Facile autem Antiochiæ erant centum millia & plura, juxta Cornel. à Lapide in Matth. cap. 17. Vix ergo millesimum salvandum pronuntiavit.

D. Bern.

46 MARIA in cœlum assumpta.

D. Bernardus: Non est nisi amor turpis in hoc sæculo, nec fides secunda, quia omnia quæ ejus sunt contaminantur superbia, avaritia, cupiditate & luxuria. Recessit enim lex à Sacerdotibus, Justitia à Principibus, Consilium à Senioribus, religio à Clericis, amor à Parentibus, fides à populo, reverentia à subditis, amor castitatis à virginibus, pudicitia à conjugatis. Et quid est quod non venit Antichristus: Jam enim à multis ignoratur Christus, & à potentibus quasi peregrinus habetur.

B. Dionysius Rickelius Carthusianus: Totus quasi mundus errat, & in maligno positus est. Pro dolor! Tam in capitibus quàm membris; tam in clero, quàm in populo; tam in Religiosis, quàm in sæcularibus; tam in senibus, quàm in juvenibus; tam in Masculino, quàm in Feminino genere, corrupta est via universa

versæ carnis. In Specul. amator.
Mundi, ubi & S. Bernar. Verba al-
lata citat.

Doctissimus Abulensis illud S.
Matth. 22. Multi sunt vocati, pau-
ci verò electi, considerans quæst. 69.
Sequentia habet Verba : Multi sunt
vocati ad fidem, id est, convertun-
tur ad eam, sed pauci electi, quia
pauciores Christianorum sunt, qui
salvantur, quàm qui damnantur.

Cajetanus illam sanguineis la-
crymis deplorandam DOMINI Sen-
tentiam Matt. 25. Quinque autem
ex eis erant fatuæ, & quinque pru-
dentes interpretans, ait : Ex
Christianis etiam illis, qui habent
aliqualem curam salutis suæ, & ap-
parent boni, medietatem perire, sic-
ut dimidius prædictarum Virginum
numerus à nuptiis Sponsi exclusus
fuit : istumq; esse legitimum sensum
literalem illius parabolæ de virgini-
bus. Quæ sententia si est tam vera
quàm

48 MARIA in cœlum assumpta.
quàm rigida, v̄ multis Christianis
Verba illius sunt: Terribilis senten-
tia, quia media tantum pars fidelis-
um, quorum lucent tam bona ope-
ra, quàm studia ad obviandum Spon-
so, prudens ac per hoc salvanda
describitur. Rationem hanc Sva-
res lib. 6. de Prædest. c. 3. assignat.
Nam sine dubio plures ex Christia-
nis malè vivunt, & rarò perseve-
rant in statu gratiæ, & verosimile
est ita mori sicut vivunt.

Adhæc, partem eam, quæ Chri-
stianorum hominum titulo glori-
atur, intueri, & vide quo loco
res Christianorum hoc exultera-
tissimo sæculo constitutæ sint, &
fateberis, in hoc corpore mystico
planta pedis, usque ad verticem
capitis vix aliquod membrum sanum
reperiri; ita ut per notas exterior-
es vix sciri queat, an populus hic
sit Christianus, an verò gentilis.

Hæc Magnus quidam Asceticus
vita

vita magister perpendens: Pronum est, inquit, existimare, majorem Christianorum partem vivere in statu peccati mortalis, & plurimos obire sine Sacramentis rectè & ritè susceptis.

Quidam sententiam S. Chrysostomi, scilicet millesimum vix salvandum restringendo, è decem millibus, unum duntaxat salvandum asseverant. Tenuit hoc mordicus S. Nilus, qui floruit ante sexcentos annos, fuitq; fundator Monasterii Cripæ ferratæ juxta Tusculum, teste Baronio Annal. Eccl. Tom. 10. ad an. 976. Hic cum visitaretur a primoribus Constantini Imperat. codicem quem præ manu habebat, aperit, & forte fortuna incidit in illud Divi Simeonis, quod ex decem millibus, vix reperitur una anima his temporibus, quæ salvetur. Quibus consternatis dixit: Si demonstravero vobis Magnum Basilium, & Chrysostomum & Ephrem


C

beatissi-

50 MARIA in cælum assumpta,
beatissimum, & Theodorum Studi-
tam, sed & Apostolum ipsum, nec
non S. Evangelium, eadem sentien-
tes & dicentes, quid patiemini vos,
qui Spiritui S. adversamini? monuit-
que: Nisi virtute, & magna virtu-
te præditi fueritis, nullus vos libe-
rabit à pœnis inferni. Hæc ad The-
ophylactum aliosq; viros principes
ac literatos fideles. O verè pauci,
è decem millibus unus!

S. VI.

Sine Scalis ex sta-
tu sæculari descen-
dunt in infernum.

 N statu sæculari,
& præcipuè in Regio-
nibus rara justificatio, non multi
Reges

Reges Calendarii locum occupant.
 Carolus VIII. Ludovici XI. Galliarum Regis filius, è pincerna suo familiariter sciscitabatur; an non censeret paucos Reges in cœlis esse, & quid causæ putaret? Cumq; alter verecundè subtriceret, causam ipse subjecit: Quid mirum, si rari in cœlo Reges, raros habent circa se veri monitores. Drexel. in Phaet. c. 9. § 7.

Religiosus Orator Alberto I. Imperatori a Concionibus perspecta Aulicorum licentia, hoc quasi oraculum è suggestu pronuntiavit: Neminem quemquam Aulicorum salvari, nisi qui fonte Baptismatis lustratus, in cunis vagiens innoxium Spiritum exhalasset. Æneas Sylv. Lib. 3.

Baro quidam in Anglia paucis ante obitum diebus sex Consiliarios & Senatores jam pridem vita functos in toga ignea conspexit, qui horrendum lamentabantur, ac moribundo ferale hoc decretum denuntiabant.

52 MARIA in cœlum assumpta
tiabant; dispone Domui tuæ, bre-
vi enim apud nos eris. Pædagog. p.
I. c. 8. §. 8.

S. Hieronymus moribundus in
exhortatione ad suos de divitibus
& potentibus hujus sæculi dixit:
Si Christus verax est, & si omnia quæ
ex ore ejus audiui, mendacia non
sunt, hujusmodi hominum vix u-
nus aptus regno DEI invenitur de
mille: teste Eusebio ad Damasum de
morte S. Hier. Ep. 85. S. Wanningo
S. Eulalia V. M. apparuit & dixit:
Wanninge, facilius est Camelum per
foramen acûs transire, quàm divi-
tem in regnum cœlorum intrare,
Nadasi in Anno Cœlest.

Milites paucos salvari testatur
Tondalus Eques auratus, qui per-
visum jussus est vastissimum ac pro-
fundissimum stagnum per pontem
angustissimum ac longissimum una
cum jumento, quod in vivis furto
sustulerat, transire, non absq; mille

terro-

terroribus. Dionys. Carth. de 4.
Noviss.

Eremita quidam inferni lustrans
conclavia, capacissimum conspici-
ens, legit titulum: Pro Iudicibus.
Albert. Radziv. in Susp. anim. C. 5.

Joannes Pareus Jurisconsultus,
non procul a Florentia obambulans,
vidit subulcum porcos in haram co-
gentem, quibus renitentibus, ac a-
liò divagantibus, tandem devovisse
ingrederentur haram, ut iniqui patro-
ni & caufidici infernum; statimque
omnes gregatim involarunt. Wa-
ding. Annal. Minor. an. 1211. Ta-
lis Patronus causarum erat ille, qui
Bellarmino ad se vocato dixit: Ego
Domine cupivi alloqui te, non pro
me, sed pro conjugē meā, & filiis
meis: Ego enim propero ad inferos,
neque est quod aliquid pro me agas.
Bellarmin. de arte benè moriendi L.
2. cap. 11.

Carolus Scribanus libere pro-

54. MARIA in cœlum assumpta,
nuntiare auditus est: Tria potissi-
mum flagitia homines in perniciem
trahere: Superbiam, Luxuriam &
Avaritiam; sic tamen, ut per Sa-
cramentum poenitentiae ex centum
superbis, facile ad quinquaginta; ex
centum luxuriosis, ad octuaginta;
ex centum verò avaris, vix tres sal-
ventur, idque ob annexam restitu-
tionem, quæ difficillima accidere
solet. Ita B. Maria Ogniacens. ro-
gans DEUM, quo in statu anima ma-
tris suæ defunctæ versaretur, con-
spexit horribile monstrum in Eccle-
sia, juxta aram consistere, utq; co-
gnovit Matrem esse, ac æternis igni-
bus addictam, causam sciscitanti re-
spondit. ob injusta lucra & usu-
ras, quas restituere neglexisset, se
damnatam esse. Cantiprat. L. 2. Ap.
c. 54.

P. Drexelius in Niceta Libr. 2.
cap. 12. Memini, inquit, & hor-
reo, quod à Præceptore meo audi-

vi: Si centum juvenes damnentur,
è centenis illis, nonaginta novem,
ob vitium carnis damnari. Sanct.
Landelinum è juvene Angelico, im-
pium & ferè diabolicum fecit mala
Societas, sed postea ubi morien-
tem è sociis unum à Dæmonibus ad
æternitatem inferni auferri vidit, ad
mentem & pœnitentiam rediit. Na-
dasi in anno coelest.

Horribile dictu est, quod S. Re-
migijs Episcopus Rhemensis pronun-
tiavit in Epist. ad Roman. cap. 12.
Demptis parvulis, ex adultis, pro-
pter carnis vitium pauci salvantur.
Sanctus Gothardus Episcopus, cum
mortuum adolescentem ad vitam re-
vocasset, & expiasset, ille supplex,
jube, ajebat, jube me Sancte Pater,
nunc iterum in pace quiescere, Mun-
dum nimis horreo, qui suos amato-
res mittit in gehennam. Nadasi.

Sanctus Franciscus de Sales refert
Prax. Spir. p. 3. c. 12. B. Catharinam

56 MARIA in cœlum assumpta
Senensem inter damnatos, multos
conjugatos conspexisse, propter vio-
latum matrimonium, Talis erat Vir
quidam profligatissimus, qui ab u-
xore officiosè admonitus, ut è cœ-
no emergeret, ne æternas flammās
incurreret, infernum esse non cre-
dens, repertus est in lecto repenti-
na morte correptus, has literas in
manu tenens: Jam certus factus sum,
quod sit infernus. Garcias tom. 2.
Conc. Evang.

Didacus Ruiz de Prædest. Disp.
54. Sec. 3. & 6. Pauciores Viros
quàm foeminas salvari, variis argu-
mentis & rationibus doctissimè pro-
bat & deducit. Mulieres verò da-
mnari præcipuè ob foedam libidi-
nem, & peccata ejusmodi in con-
fessione præ pudore suppressa, & ob
nimium luxum in mundo muliebri,
constat exemplis. Quædam enim
exhibuit se filia, in specie porci, da-
mnatam se dicticans, ob peccatum in
confessione suppressum. Teste Lu-

dovic. de Pont. de Christ. perf. T. 4
tract. 5. cap. 7. Aliud refertur de
quadam Moniali, quæ quod reticu-
isset peccatum carnale, sola cogita-
tione admissum, in æternum damna-
ta fuit. Albertus de Albertis L.
de Luxu Mulier. refert : Mulierem
quandam nonnemi apparuisse post
mortem grandi pectine, ferroque
flammeo, maledictos crines pecten-
tem, testatamque se pro meretricio
capillorum ornatu ad æterna tormen-
ta damnatam. Cornelius à Lapide
in cap. 9. Prov. asseverat, per muli-
eres & meretrices majorem homi-
num partem seduci & perire.

S. VII. Amicus
Sine Scalis, etiam
ex statu Spirituali,
multi descendunt in
infernum.



AT saltem in hoc
 paucorum numero
 censebuntur omnes Episcopi,
 Prælati, Ecclesiæ Rectores religiosi,
 Eremitæ, &c.? Audiendi hac in re
 Sancti Patres, & Ecclesiæ Doctores.
 Sanctus Chrysostomus Hom. 37. ad
 Heb. col. 2. Episcopi onus adeò
 grave esse ducit, ut dicere non du-
 bitarint: Miror, si potest salvari a-
 liquis Rectorum. Rationem hujus
 dat in cap. 20. Joann. Etsi propri-
 am benè dispensaverit Vitam, alio-
 rum verò non cum diligentia curam
 habuerit, cum perniciosus in gehen-
 nam vadit. Sanctus Adalbertus Ar-
 chi-Episcopus Gnesnensis dicebat, se
 ad viam salutis permotum, quod
 vidisset Dirmarum Episcopum Pra-
 gensensem desperantè morientem,
 cum diceret, se à nigris Spiritibus
 ad chaos tartareum deportari. Na-
 dasis

dafi. Sanctus Bernardus Episcopatum ab Eugenio Pontifice oblatum non accepit, sed cum Jamfrido monacho admittere cogeret, respondit ille S. Bernardo; potius se fugitivum monachum fore, quam Episcopum. Revelatione dein innotuit, cum æternam damnationem evasisse, fugiendo hanc dignitatem. S. Hieronymus ad Eustochium scripsit de quodam post mortem apparente, & dicente: Scito, quia nunc essem de numero damnatorum, si fuisset de numero Episcoporum. Marcellus II. Papa, cum aliquando pranderet, manu feriens mensam, Non video, inquit, quomodo qui locum hunc altissimum tenent, salvi esse possint. Per exaggerationem id esse dictum constat, quod tamen ostendit muneris magnitudinem. Glianès in Summa censurar. S. Anno è Milite, Coloniens. Episcopus, per iter è curru cœlum apertum contuitus, tam hor-

60 MARIA in cælum assumpta
renda divinæ iræ in eo vidit, ut sæ-
pius gemens diceret : Væ misero
mundo ! Væ Episcopis, quibus no-
men non Vita Sacerdotum est ! Væ
cunctis humanæ sortis angulis, ab
illis qui dicantur Episcopi. Nadaſ.
His tamen non obstantibus, quot
reperire est, qui dignitatibus inhi-
ant, qui ad Infulas aspirant, purpu-
ram ambiunt; tum se beatos in terris
arbitrantur, non recogitantes, quàm
hæc brevi deferenda, possessores su-
os infanda miseriarum abyſſo sæpe
involvunt.

S. Bernardus in Epist. Confide-
ro, inquit, gradum Prælatorum, sed
vereor casum, considero fastigium
dignitatis, & intrueor faciem abyſſi
deorsum jacentis, attendo celsitu-
dinem honoris, & è vicino formido
periculum horrendæ damnationis;
potentes enim potenter tormenta
patientur. Idem S. relatus à D. Tho-
ma Quodlibet 9. dicebat: Quod qui

non

non unus, sed plures est in beneficiis,
non unus, sed plures, futurus sit
in suppliciis.

Sanctus Isidorus Lib. 5. de Sum.
bono, cap. 46. ait: Sacerdotes, seu
Pastores, pro populorum iniquitate
damnantur, si eos aut ignorantes
non erudiant, aut peccantes non ar-
guant. S. Antoninus tit. 16. cap.
15. & Vincentius Bellovacen. in
Spec. hist. Lib. 25. cap. 89. referunt
de Epistola a Sathana manui damna-
ti hominis corporaliter apparentis
inscripta, quâ gratiæ agebantur Pa-
rochis & quibusvis animarum pasto-
ribus, quod tot perirent unâ cum
ipsis animæ, ob eorum negligentiam
& vitæ improbitatem.

S. Chrysostom. hom. 3. in Acta:
Non temere, inquit, dico, sed ut
affectus sum ac sentio: Non arbi-
tror inter Sacerdotes multos esse qui
salvi fiant, sed multo plures qui pe-
reant. Et S. Gregorius Hom. 17.

62 MARIA in cælum assumpta,
in Evangel. Ingrediuntur electi Sacer-
dotum manibus expiati cœlestem pa-
triam, & Sacerdotes ipsi per vitam
reprobam, ad inferni supplicia festi-
nant. Religiosus quidam Anglus
in extasi à S. Nicolao per varia pur-
gatorii loca circumductus, ubi ad
se rediit, inter cætera narravit: Vi-
di ibi Sacerdotes immensis cruciari
tormentis, qui cum criminum cul-
pas confessione delevissent, pœnis
Divinæ justitiæ non satisfecerunt.
Cumque vehementer admirarer, tam
paucos Sacerdotes illis fornacibus
purgari, responsum est mihi, ideò;
quod vix quisquam eorum, qui pra-
vam vitam duxerunt, verum animi
dolorem concipiunt de peccatis ante
mortem, proptereaque penè omnes
addici suppliciis sempiternis, Dion.
Carthus. Lib. de 4. Noviss.

In Religione fortè omnes electi ?
in qua homo vivit purius, cadit rari-
us, surgit velocius, S. Bernardus
dubi-

dubitat, sic enim Religiosos suos alloquitur *serm. 2. de Ascens.* Quis scit, si omnium vestrum, quos hic video, scripta nomina sunt in coelis, & in libro prædestinationis annotata? quanto putas gaudio repleantur omnia ossa mea, si id scire contingeret? Dicebat quidam Vir sanctus (inquit Bonaventura Cardin. Lib. de Principiis vitæ Christian. p. 2. §. 40.) Nullum esse Religiosum in coelis, qui non fuerit Martyr in terris. Subdit autem inferiùs: Pauci sunt, qui in simplicitate cordis sui per spinosa crucis itinera Christum sequantur, turba verò errantium maxima est. Refert Salianus L. 2. de timore DEI c. 38. quod Neapoli in quodam cœnobio, apparuere religiosi implentes totum triclinium, quorum præcipuus dixit, omnes propter ambitionem, superbiam, invidiam, aliaq; id genus vitia, sententiam damnationis accepis-

64 MARIA in cœlum assumpta
cepisse; ejus dicti veritas ut omni-
bus innotesceret, superiore velle di-
ducta, ardore flammæ conflagrare
visi sunt, sicque evanescere. Ita et-
iam scribit Anton. Senen, Chronic.
Prædic.

De Eremitarum omnium electi-
one fortè nemo dubitabit, quorum
felicem declarans conditionem S.
August. serm. 27. ad Frat. in Ere-
mo. sic exclamat: O vita sancta e-
remitia! Vita Angelica, Vita Deifi-
ca non humana! Nihilominus Cæ-
sarius Hom. 6. dicit: Venire qui-
dem ad eremum vel ad religionem
summa perfectio est, non perfectè
autem in eremo vel religione vive-
re, summa damnatio est. Hinc S.
Bernardus de Pass. c. 14. ingemi-
scit: De quantis legimus in Vitis Pa-
trum viris, potentibus in vigiliis, &
in jejniis, in laboribus supra mo-
dam humanum, imò & in miracu-
lis coruscantibus, qui ceciderunt,
quia

quia non perseverarunt usq; in finem. Talis fuit Hero senex relictus à Cassiano Coll. 2. c. 5. qui in Thebaidis deserto annos quinquaginta commoratus, semperq; jejuniis intentus, tandem à dæmone in forma Angeli illus, de Sanctitate sua præsumendo æternum perit. Sic Stephanus, cum annos circiter quadraginta in eremo vixisset, jejuniis, lacrymis, orationibus, aliisq; virtutum operibus ornatus, cordis puritati assidue studuisset, in extremo agone cum dæmonibus diu confli-gens obiit, ambiguum omnino relin-quens, salvusne, an reprobus esset; teste Joan. Climaco.

Quis hæc considerans non contremiscit? Quis inter tot difficultates, & discrimina certam sibi salutem audebit polliceri? Quis potest dicere (ait S. Bernard. sermon. 1. Dom. Sept.) ego de electis sum? ego de numero filiorum? quis hæc inquam;

66 MARIA in cœlum assumpta,
inquam, dicere potest, reclamante
Scriptura: Nescit homo utrum a-
more, an odio dignus sit. Si in-
ter pusillum gregem, prædestinato-
rum censendus sit? an vas in hono-
rem, an in contumeliam? an inter ti-
tiones inferni, an inter Seraphinos
peradisi? an inter oves, an inter hæ-
dos? Ovem te putas, hircum te
fortè DEUS novit: inquit S. Aug.
L. de ovibus c. 10. Hoc sacro hor-
rore, simul & dolore percussus B.
Ludovicus Bertrandus in confessu
suorum, præsentis intuitus, à lacry-
mis temperare nequivit: causam
rogatus, hoc paucis respondit: Ti-
meo & fleo, quia nescio, quid de
me futurum sit.

Cum igitur tam facilis sit de-
scensus averni, cum tot ac tanti è
quolibet statu descendant in gehen-
nam; quis, rogo, peccatorum aude-
bit per SCALAM rubeam, id est,
JESUM Crucifixum ascendere al-
titudinem cœli, cum nec Religiosi

fratres S. Francisci ascendere poterant? Ad Patrem verebaris accedere, (inquit S. Bernard. serm. de nativ. Virgin.) solo auditu territus ad Filium fugiebas. JESUM tibi dedit Mediatorem; quid non apud Patrem talis Filius obtineat. Sed forsitan & in ipso Majestatem vereare Divinam, quod, licet factus sit homo, manserit tamen DEUS. Quid consilii? quid auxilii? quid patrocinii? aut unde? Ad MARIAM recurre: exaudiet utriq; Matrem Filius & exaudiet Filium Pater. Ad hoc enim in Cœlum assumpta est Virgo, ut peccatoribus SCALA fieret.

Ambr.
Elm.
§ VIII.

MARIA in Cœ-
lum assumpta, Sca-
la peccatorum.

S. Ro-



Sanct. Robertus
 è Lotharingæ Princi-
 pibus natus Dux, duodecim
 annos natus, à cœlesti quodam se-
 ne in loco amœno lorus, hæc audi-
 vit: SCALAM in cœlum tibi pa-
 rabis, ubi socius Angelorum eris,
 Quisquis es, ô peccator, & Angelorū
 Choris aggregari desideras, SCA-
 LAM tibi in cœlum para, id est,
 MARIAM singulari studio pietatis,
 ac fervore devotionis, prosequere.
 Filioli, (clamat D. Bernard.) hæc
 peccatorum SCALA, hæc mea
 maxima fiducia est, hæc tota ratio
 spei meæ. Non jejuniis, non prolixis
 precibus, lacrymis, vigiliis, mira-
 culis aut visis cœlestibus confidit,
 sed in ea, quam ut fidus servus Do-
 minam, cliens Patronam, Filius Ma-
 trem per omnem vitam summo
 honore & amore prosecutus est, spem
 certissimam repositam habet.

Nomen J E S U venerandum,
 fe& formidandum, quia Sanctum
 & terribile Nomen Domini Psalm.
 10. Dominæ verò totum dulce &
 mansuetum. Unde sic sibi obje-
 ct Petrus Abbas Cluniacens. serm.
 de annunciat. Si Nomen DOMI-
 NI sit terribile peccatoribus, quo-
 modo Nomen Dominæ erit mansue-
 tum & pium eis? Fortiusne est
 Nomen MARIÆ? Estne efficaci-
 us? estne robustioris Virtutis? Quid
 erit, quod spe istius consequitur, quod
 alterius denegatur? Licet scribatur
 Proverb. 18. Turris fortissima No-
 men Domini; ad ipsam confugiet
 justus, & salvabitur. Et in Psal-
 mo: Domine refugium factus es no-
 bis; tamen quem ponebant tunc re-
 fugium, etiam nec loquentem pote-
 rant audire: Non loquatur, inquiunt,
 nobis Dominus, ne moriamur.
 Isai. 21. Ecce Nomen Domini ve-
 nit de longinquo, ardens furor ejus,
 & gra-

70 MARIA in cœlum assumpta
& gravis ad portandum. Hæren-
da quidam dulcedo Nominis in to-
furore resperfa: ideo David a.:
Psalm. 110. Sanctum & terribile
Nomen Domini. Quod ergo reîn-
quitur peccatori refugium? ceterè
turre fortissima nomen Dominae, ad
ipsam curret peccator & salvabitur.
Ad MARIAE Nomen confugiat,
ipsum solum sufficit ad medendum.
Nulla pestis tam efficax, quæ non con-
tinuò ad MARIAE Nomen cedat. Si
tentatus ultra vires, timeas insidi-
as, recordare quod turris fortissima
Nomen Dominae. Quid aptius &
opportunius in rem peccatoris ex-
cogitari poterat?

Accedit aureum D. Anselmi tes-
timonium Lib. de excell. Virg. c. 6.
Velocior est nonnunquam salus me-
morato Nomine MARIAE, quàm in-
vocato Nomine JESU unici Filii ejus.
& id quidem ideo non fit, quod ip-
sa major & potentior eo sit, neque
ipse

ipſe magnus & potens eſt per eam;
ſed illa per ipſum. Quare ergo po-
tentior ſalus in recordatione ejuſ,
quàm Filii ſui ſæpe percipitur? Di-
cam quid ſentio; Filius ejus Domi-
nus eſt & Judex omnium, diſcer-
nens merita ſingulorum; dum igi-
tur ipſe à quovis, ſuo Nomine invo-
catus, non ſtatim exaudit, profeſſo
id juſtè facit: invocato autem No-
mine Matris, etſi merita invocan-
tis non merentur, ut exaudiatur;
merita tamen Matris intercedunt
ut exaudiatur.

S. Germanus in Encomio de Vir-
gin. dormitione ſic ait: Præſidium eſt
Nomen Virginis MARIÆ. Præſi-
dium, per quod omnes, quicunque
devotè illud appellant, ſunt muniti
non ſolùm adverſus juſtitiam Patris,
Verùm etiam contra tentationes ini-
mici. Subjungit autem hic Sanctus
dignum obſervatione: Neq; tantùm
haſtu animæ noſtræ reſpirant, quan-
tum

72 MARIA in cœlum assumpta
tum Nominis tui protectione confir-
mantur. Nunquam integra nobis
quies, nisi quando singularis erga
Nomen M A R I Æ pietas, & illius
protectioni nos enixè commenda-
mus. Cum dubia est nobis alicujus
cum extremo Spiritu confingentis
mors, conspicienda, seu speculum or-
ejus apponimus, ut videamus utrum
etiamnum respiret. Sic & peccator
immerlus vitiis, si in tot sese
flagitia ingurgitaverit, ut omnes
um judicent mortuum, si tamen
re invocat Nomen M A R I Æ, ha-
betq; illud in corde, ne illum in mor-
tuis numerato, respirat enim adhuc
& per Virtutem illius Nominis dabi-
tur ei robur, ut extricet se à suis mi-
seriis, & ad DEUM redeat. Hinc
Idiota Lib. 2. de Contempl. V. M A
R I Æ. c. 5. ait: Tanta est Virtus tu
Sanctissimi Nominis, ô semper bene-
dicta Virgo M A R I A! quod mira-
biliter emollit & penetrat, duritiem
cordis humani.

Et ipsa beatiss. Virgo, S. Brigittæ L. r.
Revel. c. 9. dixit: Hoc Nomen MA-
RIA, cum audiunt illi qui in purga-
torio sunt, ultra modum gaudent,
tanquam æger in lecto jacens, si audi-
erit ab aliquibus verbum solatii. An-
geli etiam boni audito hoc nomine
statim appropinquant magis iustis,
quibus dati sunt ad custodiam, &
gaudent de profectu eorum. Dæmo-
nes audientes hoc Nomen MARIA,
statim relinquunt animas de ungui-
bus &c. Nullus etiam tam frigidus
ab amore DEI est, nisi sit damnatus,
si invocaverit hoc Nomen hac inten-
tione, ut nunquam reverti velit ad o-
pus solitum, quod non discedat ab
eo diabolus: & nunquam amplius re-
vertitur ad eum, nisi resumpserit vo-
luntatem peccandi mortaliter.

Optimè Franco Abbas in fine T.
6. de gratia DEI. Post singulare No-
men JESU CHRISTI, quod est super
omne Nomen, nullum aliud nomi-
natur,

74 MARIA in cœlum assumpta.
natur, unde tantum gratiæ, tantum
spei, tantum suavitatis, tantum con-
solationis piæ mentes concipiant. Quotiescunq; enim dulcissimum No-
men MARIA, amatores illius audi-
unt, toties ex pio auditu, & suavitate
auditi Nominis nescio quid inenarra-
bilis jucunditatis intùs trahunt. No-
men namq; MARIE mirum quid sua-
ve, ac divinum in se continet, ut cum
sonuerit amicis cordibus, amicæ sua-
vitatis odorem spiret. Et mirum il-
lud est de Nomine MARIE, & valde
mirum, ut millies auditum semper au-
diatur quasi novum.

O Nomen, quod omnes creaturæ
venerantur, & omnes dæmones con-
tremiscunt! (exclamat S. Gerardus.
Ep. & M. Ser. in Ann.) O Nomen dul-
ce, Nomen delectabile, omni unguen-
to suavius, & omni odorem delecta-
bilius! Nomen istud gloriosum
nulla lingua filere debet cœlestium,
terrestrium, & infernorum. Benedi-
ctus


Etus ab omnibus sit Dominus DEUS,
& ejus Nuntius Gabriel Archangelus,
qui nomen istud magnificavit homi-
nibus. Quocunque me verto, nomi-
nis hujus amor & virtus me sequitur.
Sicut enim Christus quinque vulneribus
suis contulit plenè remedia mundo:
ita beatissima Virgo suo sanctissimo
Nomine, quod quinque literis con-
stat, confert quotidie veniam pecca-
toribus. Inquit S. Bern. apud Pelbart.
in Spec. Virg.

O quisquis animæ tuæ salutem in
tuto esse optas, & felici morte vitam
concludere atque ad cœlum venire;
in periculis, in angustiis, in rebus
dubiis, M A R I A M cogita,
M A R I A M invoca, non recedat
ab ore, non recedat à corde, &c.
Ipsam sequens non devias, ipsam
rogans non desperas, ipsam cogitans
non erras, ipsâ tenente non corruis,
ipsâ protegente non metuis, ipsâ du-
ce non fatigaris, ipsa propitia perve-
nis,

76 MARIA in cœlum assumpta.
nis, nempe ad cœlum, teste D. Bern-
ardo, quod absq̃ illa, nemo intrare
præsumit. Nam ut ait S. Damianus:
MARIA est SCALA Cœlestis, per
quam Supremus Rex humiliatus ad i-
ma descendit. & homo, qui prostratus
jacebat, ad superna exaltat⁹ ascendit,

S. I X.

Absque Scala, id
est, MARIA, nemo
in cœlum conscendit.

 Scendens Virgo
in altum, (ait Div.
Bernard. ser. de Assum.) dabit
ipsa quoq; dona hominibus. At quæ
nam dona? declarat S. Epiphani. Ser.
de laud. V. MARIA donorum ante-
nuptialium nomine, Spiritum S. ac-
cepit; dotis verò gratia cœlum una
cum

eum paradiso. Non alia ergo dona confert hominibus, nisi quæ accepit à SS. Trinitate, id est, Cælum cum Paradiso, hinc justum obtinuit titulum Dominæ & Regina Cœlorum; ex quo sequitur, nullum penitus cœlos intrare posse, aut suum iis pedem inferre absq; MARIA; & quotquot hucusq; eò ingressi sunt, hodiè inibi dimorantes & postea adhuc ingressuri, omnes incomparabile hoc beneficium Marianæ adscribere debere benevolentia; unde S. Germanus ait: Nullus est, qui salvus fiat, nisi per te ô Virgo Sanctiss.

Ideò etiam morienti adstabat Fílio, ut ait S. Joan. c. 19. Stabat juxta crucem Mater JESU MARIA. Cum enim bono conferendum esset regnũ cœleste latroni, hocque regnum totum esset MARIAE, ideo sine consensu ipsius bonus nequibat remunerari latro. Qua de causa D. asserit Petrus Damianus, quod Paradisum felici patefecerit latroni, MARIA inter

78 MARIA in cœlum assumpta,
crucem Filii, & boni latronis posita,

Certissima quoq; SS. Patrum opinio, extremo iudicio præsentem asfuturam Magnam Matrem, de qua illud Christi dictum intelligitur: Mat. 12. Regina Austri surget in iudicio. Non ob aliam causam, nisi ut per consensum illius Paradisus & Cœlum in præmium conferatur, quæ dotis nomine Cœlum accepit. In formidabili namq; die illo, sicut supplicia impios, ita & bonos sua excipient præmia: Venite benedicti Patris mei, percipite regnum: Matth. 25. Sine MARIA autem non confertur Paradisus. Impossibile est enim, juxta S. Ignat. aliquem salvari peccatorem, nisi per ejus auxilium & favorem.

Non frustra adveniente extremo iudicio svadet Christus; Respiciite & levate capita vestra. Sed quo levanda sunt? ad cœlum, respondet quidam Episcopus: Si caput attollent, cœlum aspectabunt, qui autem cœlum aspecta-

aspectabit, non tristabitur cernens
terrena corruiere; nam cœlum istud
benedictum, MARIA Virgo, inducet
in animum peccatoris fastidium ter-
renorum, quod illa tempestat. erit
summopere necessarium.

3. Reg. 6. In templo illo Salo-
monis duo ostia de lignis abiegnis, al-
trinsecus & utrumq; ostium duplex
erat, & se invicem tenens aperiebatur
JESUS & MARIA sunt duæ portæ
quasi una, si claudis unam, utramq;
claudis; Si unam aperis, utramq; a-
peris. Si agnoscis JESUM, agnoscere
debes & MARIAM ejus Matrem di-
gnissimam. Si gratus vis esse JESU,
& MARIÆ gratus sis oportet & devo-
tus. Si ingredi vis regnum cœlorum
per JESUM & MARIAM, ingrediaris
est necesse. Salus nostra in manu illi-
us est, inquit Richardus, ut ei dicere
multo verius valeamus, nos Christia-
ni, quàm dixerunt Ægyptii, salus no-
stra in manu tua est. Respicias nos

80 MARIA in cælum assumpta,
tantum Domina nostra, & læti servie-
mus Filio tuo. Vix enim comparuisti
in orbem terrarum introducta, & il-
licò contulit tibi Omnipotens claves
cœli; unde & tu cœlum clausum re-
serasti, cœlum quod nolebat demit-
tere Messiam, à tot sæculis repromis-
sum, aperuisti inquam, ut liquidò cla-
ves cœli collatas tibi cerneremus.

S. Bernardus verò ait. Cor Virgi-
nis non solum clavis Cœli factum est
sed & ipsum DEI, & omnium super-
cœlestium bonorum penu, seu arma-
rium: non clausa sed aperta sunt MA-
RIÆ arcana, & cuncti DEI thesauri in
manu Virginis repositi sunt. Quæra-
m⁹ gratiam & per Mariam quæramus,
quia, qui quærit invenit, & frustrari
non potest. O homo, clamat S. Ansel-
mus, dum peregrinaris in hoc mun-
do, cupiens nancisci summam gloriæ
felicitatem, esto quam devotus MA-
RIÆ alumnus, adopta illam in Ma-
trem, procura adoptari in MA-
RIÆ

RIÆ Filium, satage annumerari inter
ejus clientes, inventa enim Virgine
MARIA invenitur omne bonum. Et
quodnam illud bonum? id est, **DE-**
UM, ipse enim solus est omne bonum,
qui nullam habet rationem mali.
Qui ergo habet **MARIA**M, habet i-
psam **DEUM**, qui videt **MARIA**M,
videt ipsum **DEUM**.

Hinc D. Bernardus super missus
inquit: Ad **MARIA**M sicut ad medi-
um, sicut ad Arcam **DEI**, sicut ad re-
rum creaturam, sicut ad negotium sæ-
culorum respiciunt & qui in coelo ha-
bitant, & qui in inferno, & qui nos
præcesserunt, & nos qui sumus, & qui
sequeuntur, & nati natorum, & qui na-
scentur ab illis, illi qui sunt in cœ-
lo, ut resarciantur, qui in inferno, ut
eripiantur, qui præcesserunt, ut Pro-
phetæ fideles inveniantur, qui sequun-
tur, ut glorificentur. Sed notate ver-
ba, signate mysteria: Ad **MARIA**M
respiciunt, qui in inferno, ut eripian-
tur,

82 MARIA in cœlum assumpta
tur, possuntne animæ semel ad infernũ
damnatae liberari, quandoquidem in-
ferni est infinita pœna, juxta illa Chri-
sti verba: Ite maledicti in ignem æ-
ternum. Marth. 25. Scio quid dicat
Gerson super Magnificat, quem ci-
tat Raynus Tom. 2. de Sanctis, Ser.
45. Piè creditur DEI privilegio in
Virginis Assumptione evacuatum esse
purgatorium, dum enim Princeps
coronatur, aperiuntur carceres;
quanto magis in coronatione DEI-
paræ. Sed in infernum, cujus pœna æ-
terna est, anima præcipitata, quomo-
do per Mariæ Virginis intercessio-
nem liberari poterit ab isto supplicio?

§. X.

Per Scalam, nem-
pe MARIAM, etiam
ex inferno, patet in Cœ-
lum ascensus.

Tan-



Anta est potestas
 Virginis gloriosissi-
 mæ, ut animam de facto in inferno
 conclusam, suspensâ tamen decre-
 toriâ æternæ damnationis ex DEI
 providentia, sententiâ, possit libera-
 re. Pro fundamento hujus sententiæ
 supponendum de fide esse, lege ordi-
 naria, Judicis sententiam irrevoca-
 bilem, ignem æternum; non tamen
 de fide, nunquam in ea lege dispensa-
 tum: uti de fide, lege ordinaria om-
 nes mori, & peccare, ac cum ori-
 ginali concipi, non tamen de fide,
 has leges omnia privilegia, ac dispen-
 sationes excludere. Ita ut si DEUS
 nobiscum dispensare possit, possibi-
 le fuerit, ipsum aliquando dispen-
 sasse; ita pariter dispensare poterit,
 ut quis jam tum inferni carceribus
 inclusus, in mundum redeat, pœni-
 tentiam agat & salvetur.

Supponendum deinde, omnia quibuscunque creaturis concessa privilegia, multò excellentius collata fuisse in Matrem Virginem MARIAM; prout S. Anselmus de excellent. Virg. cap. 12. asserit, inquiens: Te DEUS sic exaltavit, ut omnia tibi secum possibilia esse donarit: & S. Bernardus ad Canon. Lugdun. Ep. 175. Quod vel paucis mortalium, constat esse collatum; fas certè non est, tantæ Virgini esse negatum. Et tandem S. Angelicus Doctor p. 3. q. 27. art. 1. in corp. Rationabiliter creditur, quod illa, quæ genuit Unigenitum à Patre, plenum gratiæ & Veritatis, præ omnibus aliis majora privilegia acceperit.

Quod si aliis Sanctis concessa est, aut ad minus oblata gratia, eximendi animas ex inferno, quare negabimus, per intercessionem Virginis Matris nullas liberatas, aut saltem non posse liberari animas ex inferno? Sed cu-

inam

inam, objiciet aliquis, oblatum fuit aliquando privilegium liberandi animas ex inferno? Traditur in Scriptura Sacra, quod Isaias vice quadam Regem Achab conveniens, dixerit: Pete tibi signum à Domino DEO tuo, sive in profundum inferni, sive in excelsum supra. Is. 7. ubi Lyranus, & Abulensis exponunt: pete Achaz, ut quicumq; mortuus sive ex inferno, sive ex purgatorio tam parvulorum, quam damnatorum suscitetur, & protinus resurget. Itaque si petiisset, ut excitaretur Cain, aut Saul, aut Pharaon, quos omnes constat tunc fuisse in inferno, planè inde sceleratissimi Regis intercessione extracti fuissent. Ideoq; Abulensis in c. 16. Mat. 9. inquit: Si petiisset à DEO signum, sicut DEUS jubebat, DEUS illud faceret, & in hoc appareret gloria DEI; perversus autem Rex nullum requisivit signum, non, quia de ejus assecutione dubitabat, sed ut non

86 MARIA in cœlum assumpta
cogeretur dare gloriam DEO: No-
luit petere, ut non appareret gloria
DEI; subjungit idemmet Abulensis.
Ad impii Regis votum liberasset DE-
US animas ex inferno; Ergò multò
magis ad intercessionem Virginis Ma-
tris suæ liberat, atq; potest liberare.

Confirmat totum hoc S. Petrus
Damiani Serm. 1. de nat. Virg. ubi al-
loquens V. MARIAM, inquit: Nihil
tibi impossibile, cui possibile est despe-
ratos in spem salutis revocare.
Huic consentit Sanctus Germanus
in Ecomio de Virginis Zona:
Tu cum habeas maternam apud Fili-
um tuum fiduciam, & potentiam,
nos, qui sumus condemnati, & non
audemus intueri cœli altitudinē, tuis
interpellationibus. & intercessionib⁹,
DEO nos efficis familiares, das salu-
tē, & ab æterno liberas supplicio. Ita li-
beravit Sacerdotem quendā, referen-
te Jodoco Chlichtoveo, qui perpetrato
adulterii crimine, cum redeundo do-

num solus, in navicula lacum dictum Sequana transfretaret, juxta consuetudinem quotidianæ devotionis suæ, cepit Officium B. M. V. decantare, & ecce in ipsismet verbis: Ave MARIA gratia plena, Dominus tecum, &c. cæterva dæmonum in naviculam irruit, ipsum Sacerdotem aquis suffocat, animamq; ipsius ad æternales inferni pænas rapit. Die tertia Mater misericordiæ MARIA Virgo cum multitudine Angelorum ad locum supplicii venit, dæmonesq; compellat, cur animam servi sui tam crudeliter & injustè cruciatibus & tormentis afficiant? Responderunt dæmones suam esse, quia in suis operibus raptam. Ad hæc MARIA Virgo: Si ad hunc anima spectare debet, cujus opera faciebat, ergo ad me pertinet, siquidem in officio meo decantando captus est hic Sacerdos, quare vos estis in culpa quod contra me insurrexeritis. His perterriti dæmones in fugam versi

88 MARIA in cælum assumpta
& anima ad corpus reversa, quem ab
utroq; funere excitatum divisim in du-
as partes aquis, B. V. MARIA ex pro-
funditate incolumem eduxit. Quis
ergo dubitet de intercessione Virgi-
nis? Quam D. Ephrem Syrus sic me-
ritò compeilat in Lament. Virg. O
Sacrosanctissima desperantium spes,
& damnatorum patrocinator! Neq;
dicas, inquit Mendosa in virid. L. 2,
Prob. 6. loqui de damnatis ad purga-
torium; nam hi non dicuntur simpli-
citer damnati, & multò minus despe-
rantes, de quibus hic agit.

Hoc ipsum DEUS ipse videtur
nobis innuisse, cùm Deutor. 32. sic
peccatores alloqueretur: Videte,
quod ego sim solus, & nō sit alius DE-
US præter me. Ego occidam, & ego
vivere faciam; percutiam & ego la-
nabo: & non est, qui de manu mea
possit eruere. Hæc namq; divina ver-
ba Richardus in dialogismum dispo-
nens, & alia Christo Domino pecca-
torum

torum Judici, alia clementissimæ ejus
 Matri peccatorū advocatæ tribuens,
 in hunc modum ratiocinatur: Sæpe
 quos Filii justitia damnat, Matris mi-
 sericordia liberat: quæ scilicet justitia
 Filii & misericordia Matris videntur
 sic altercari. Quasi dicat Justitia: Ego
 occidam, & percutiam: Misericor-
 dia Matris respondeat: Et ego vivere
 faciam & sanabo. Dicit etiam mise-
 ricordia Matris illud, quod sequitur:
 Et non est, qui de manu mea possit e-
 ruere. Deniq; concludens ita stimu-
 lat & excitat peccatorem, ut ad MA-
 RIAM quasi certissimum Asylon con-
 fugiat ab ira Dei: Fugias igitur (clamat
 Rychardus) sub protectionem manus
 ejus, & nihil timendum est. Non ve-
 hementia accusatoris, non magnitu-
 do criminis, non furor judicis, non
 vis infernalium tortorum, non æter-
 nus carcer damnatorum.

3. Reg. 2. Iratus Salomon Ado-
 niæ fratri suo & Abjatar Sacerdoti, u-

90. MARIA in cœlum assumpta
num illorum scilicet Adoniã ex nunc
occidit; Hodie occidetur Adonias,
misitq; Rex Salomon per manus Ba-
nasiaz filii Joada, qui interfecit eum.,
Alterum in eadem cum Adonia con-
juratiõne existentem à morte liberat:
Abjatar quoq; sacerdoti dixit Rex,
vir mortis es, sed hodie te non inter-
ficiam. Quæ causa? addit sacra Scri-
ptura: Quia hodie portasti Arcam
Domini DEI. In hac Area quam por-
tabat Abjatar, erat virga Moyfis, si-
gnificans Justiciam DEI, fuit & Man-
na designans misericordiã MARIE.
Quid est Arcam portare, & humeros
submittere, (inquit D. Bonaventura)
nisi ad MARIAM accedere, illi humi-
liare, & illius inniti & confidere au-
xilio. Hoc pietatis manna, & Regis
sedavit furorem, & Abjatar posuit in
tuto, ne interficeretur. Novarinus ve-
rò: Multi in infernum nunc essent
trusi, nisi hanc portassent Arcam in
corpore suo, nisi in hunc sanctum lo-
cum

cum se reciperent, qui eis immunitatis causa, ut olim civitas refugii. Sit miserabilis, sit pergravata criminibus anima peccatrix, sit rebellis, & quasi exclusa à Domo DEI; habet quo fugiat, ut possit salvari, habet ubi possit esse in tuto. ait S. Epiphanius. O Urbem refugii & potentissimam & pi-entissimam! Ad hanc quemlibet consccleratorum jubens recurrere S. Bern. Si criminum, ait, immanitate turbatus, conscientiae fæditate confusus, Judicis horrore perterritus, barathro incipias absorberi tristitiæ, desperationis abyssu: cogita MARIAM, MARIAM invoca. Illa enim est propinqua nostra, illa contribulis nostra, illa de genere nostro. Facilius quemvis audit, quàm DEUS offensus, quia hunc nobis ipsa conciliat.

Hoc ipsum Hugo de S. Victore: Si pertimescis, ait, supplicaturus ad DEUM accedere, respice ad MARIAM, Non illic invenies, quod time-

92 MARIA in cœlum assumpta,
as : genus tuum vides. Jam veni me-
cum (adjicit B. Ildefonsus) ad hanc
Virginem, ne sine hac properes ad ge-
hennam: Veni abscondamur sub ve-
lamento, ne induaris confusione sic-
ut diploide. O peccator! (exclamat
Bernardinus de Buſto) ne te despera-
tionis barathro immergi ſinas, ſed
confidenter ad potentiſſimam hanc
clementiſſimamq; Advocatam recur-
re. Ipſa tibi ſuccurret ſine dubio, quia
poſteſt. Ita ſalvavit Petrum, teſte S.
Gregor. Nazian. tragœd. de Chriſto
patien. qui aſſerit Chriſtum Domi-
num ad inſtantiam Virginis Matris
ſuæ remiſſiſſe S. Petro peccatum trinæ
negationis. Ita Crucifixoꝝ Filii ſui,
qui dum illum negabant & crucifige-
bant, ipſa ſtabat juxta crucem, optans
non damnari eos, qui à Filio deſcive-
rant. In hujus rei conſideratione fuit
S. Anſelmus, cum ait: Neſcit Mater
aliud agere, quàm inceſſanter miſere-
ri peccatoꝝ, & pro nobis omnibus
aſſtare Salvatori, Verùm

Verum perappositè in rem præsentem dixit Hugo Victorinus: O Virgo Christi, quantæ tuæ pietas est efficaciz & virtutis! quæ non solum moventem, sed & removentem in viam provehis dirigisq; salutis. Premite in his illud: Quæ non solum moventem, sed & removentem in viam provehis, Benè nimirum facit etiam repugnantibus, nec intermittit pro eis obsecrare, quousque in semitam Salvationis adduxerit. Hæc Mariam Ægyptiacam ex vase contumeliæ in vas gloriæ transformavit. Hæc Theophilum è potestate Dæmonis creptum cælo transcripsit. Hæc Guillelmum Aquitaniz Ducem post seriam conversionem, sæculi tenebris incautiùs rursus illabentem; per subitanæm cœcitatem ad inchoatam pænitentiam reduxit. Quis unquam in mundo major Judæ peccator extitit? quis in terra DEUM, ejusq; Sanctissimam Matrem atrocius offendit? hoc ta-

94 MARIA in cœlum assumpta,
men non obſtante : Si veniſſet ad
Virginem, (inquit de Juda S. Vin-
centius Sermō. Domin. 5. poſt Tri-
nitatis.) ut oraret Filium ſuum, ut
parceret ſibi, adhuc habuiſſet remiſſi-
onem. O Matrem, longè quam dici
aut cogitari poteſt, miſericordiſſi-
mam ! in cuius gremium nocentes fi-
lii Adæ ubi ſe receperint, ab omni me-
tu atq; periculo mortis æternæ ſunt
immunes, & feliciſ æternitatis acqui-
runt ſecuritatem.

Quod ipſe DEUS PATER S.
Catharinæ Senen. revelavit dicens:
MARIÆ Unigeniti mei glorioſæ Ge-
nitrici, à Bonitate mea conceſſum
eſt, propter incarnati Verbi reveren-
tiam, ut quicumq; etiam peccator ad
eam cum devotione recurrit, nullo
modo decipiatur à dæmone inferna-
li: Hæc enim eſt præparata, electa
& poſita, tanquam eſca dulciſſima
ad capiendos homines, & præcipuè
animas peccatorum, ut reſert Bioſi-
us par.

us par. 2. Veniant igitur peccatores
ad eam, (suadet Fulbertus Carnot.)
tundentes rea pectora cum interno
fletu; ipsi quoq; , si verè pœniteant,
desideratam veniam adepturi. Si,
quod DEUS avertat, eò infelicitatis
recideres, ut nulla pietatis, aut con-
suetæ devotionis scintilla in te rema-
neret; cultum tamen Virginis MA-
RIÆ, dum vita supererit, illa sum ser-
va: quascunque in angustias aut a-
nimi desperantis anxietates incideris,
dum spiras, spera in hac Virgine: hæc
tibi Asylum erit & refugium: ejus
patrocinio gratiam veræ conversionis
habebis: & si stares in præcipitio la-
psus in tartara, clama & invoca MA-
RIAM, ejus intra brachia eris securus.
Cliens MARIE nullus æternum pe-
nit. Si enim impiis animabus fi-
naliter damnatis & in carcere infer-
nali clausis benignam se præbet; qua-
lis virginea hæc Mater erit in suos
clientes & fideles servos licet pecca-
tores?

96 MARIA in cælum assumpta,
tores? Siquidem S. Ildelphonsus vide-
tur sensisse, damnatorum poenas mi-
tigari, quotiescunq; in Ecclesia an-
niversaria DE Ip̃aræ in Cœlos assum-
ptæ memoria celebratur. Sic e-
nim loquitur serm. 5. de Assumpti-
one: Læticia hujus diei claustris in-
ternalibus inclusis, aliquod reme-
dium & refrigerium præstat; non
audent ut opinor, ministri tartar-
ei hodie attingere suos captivos,
quos recolunt redemptos illius san-
guine, qui pro mundi salute est di-
gnatus de Virgine nasci. Idem sen-
sit Prudentius & Sanctus Petrus Da-
miani de die, vel potius nocte Resur-
rectionis Dominicæ, nec non singu-
lis diebus Dominicis. Quam opinio-
nem de respiratione, & qualicun-
que damnatorum solatio, licet Pe-
tavius à communi sensu Catholico-
rum hujus temporis alienam esse pro-
nuntiet; addit tamen, non temere
tanquam absurdam esse exploden-
dam,

vide. dam, tùm quod sit opinio Sanctis-
simorum Patrum, tùm quod nihil
adhuc certi in hoc puncto ab Eccle-
sia Catholica decretum sit.

Sunt qui existiment, inquit
Mendosa in Lib. 1. Regum cap. 4.
& Ozam Sacrilegum, & filios Heli
sceleratissimos, æterna damnatione
creptos, & æternam salutem assecu-
tos: illum quidem, quod dicatur
mortuus juxta Arcam, hos autem,
quod dicantur hoc loco pro defen-
dendâ Arca occubuisse. Et id-
eò, inquit Div. Bonaventura in
Spec. Virgin. benè sic ait Anselmus;
Tibi solum loquor Domina, bene-
ficiis tuis plenum esse mundum;
inferna penetravit, cœlos supera-
vit; per plenitudinem enim gra-
tiæ tuæ, quæ in inferno erant, se-
stantur liberata: & quæ supra
mundum sunt, se gaudent restau-
rata. DEUS, inquit Sanctus
Antoninus 3. part. tit. 15. cap. 22.

§. 9. Misericordiam, ne dum magnam, sed & maximam fecit in Virgine pia; ut meritò nominetur, Mater misericordiae, & Regina eius: unde in Antiphona, salve Regina Mater misericordiae: Hanc qui petit, sine ipsa duce, sine pennis, seu alis tentat volare. Liceat superaddere; sine SCALIS coelum audet ascendere, quod est impossibile; Si hanc (MARIAM) dimittis, non es amicus summi Caesaris (DEI,) quoniam ipse sine ea non salvabit te. Sine Domina nostra non potes habere salutem, inquit D. Bonaventura in Cant. Audite coeli. Proinde teste Sancta Brigitta Libr. 6. Revel. cap. 10. Ipsa Beata Virgo dixit: Ego sum Regina coeli, ego Mater misericordiae, iustorum gaudium, & adiutus peccatorum ad DEUM. Quare studeamus & nos dilectissimi (hortatur Divus Bernardus sermon.

3. de Advent.) per ipsam ad eum
ascendere, qui per ipsam ad nos
descendit, per eam venire in grati-
am ipsius, qui per eam in nostram
miseriam venit. Etenim dulcis-
sima M A R I A nullum à se repel-
lit: peccatores ad se piè & humili-
ter contugientes, blandè suscipit, fo-
ret protegit, & Filio suo Materna fi-
ducia reconciliat. Citius cœlum
cum terra perierit, quàm ipsa ali-
quem seriò se implorantem, sua o-
pe destituat. Ait Blosius in Spec.
cap. 12.

O M A R I A egregia peccato-
rum amatrix! exclamat Joan. Geo-
metra, languentes hominum virtu-
tes refove, & inolita vitia excoque,
& tu purissima, pueros nos redde,
Virtuti D E O, Tibi. Unam, ac Te
solam in cœlo, pro nobis fatemur,
cum Sancto Augustino loquimur, sol-
licitam. Pete ergo, non quæ à te
petimus, sed quæ nosti expetenda

E 2 nobis

100 MARIA in cœlum assumpta,
nobis maximè esse. Tu palam de-
signata es porta Solis ex alto pro-
gressi, Tu Thronus Regis excelsus,
Tu SCALA sublimis, & ad cœ-
los usque porrecta, per quam
CHRISTUS, & navis omni-
bus libera Virgo, descendit: ut nos
peccatores ascenderemus. Tu Mar-
garitam virginem Belæ Regis Un-
gariæ filiam morientem, Sanctorum &
Angelorum choris comitata, visi-
tasti, ejusq; capiti coronam impo-
sisti, visa eandem coronatam in
cælum per SCALAM præcedere.
Teste Nadasi in Anno Cœlesti. Ad
Te, unà cum Filio tuo, in alto con-
spectam, per SCALAM ad Cœ-
lum usq; porrectam, candidos tuos fi-
lios ab Angelis duci vidit Bearus Bern-
ardus Tolomæus. Idem. Tuæ CHRI-
STI q. manus SCALAS in quibus
B. Dominicus collocatus erat, co-
mitantibus Angelis & triumphum
agentibus, in cœlum intulerunt, ju-

xta visionem exhibitam Priori Bri-
xiensis Cænobii. uti scribit S. Anto-
nin. 3. part. Chron. tit. 23. cap. 4.

Sub tuum pallium, S. Gertru-
dis in festo Assumptionis tuæ, vidit
quasdam varii generis bestiolas ac-
currere, Symbola, sub tuum præ-
sidium confugientium peccatorum.
Ergo in exitu animæ meæ de hoc
mundo, (Suspiro cum Seraphico
Doctore in Psalt. Virgin.) occurre il-
li Domina, & suscipe eam vultu
sancto tuo, aspectus dæmonis non
conturbet illam, & sis illi SCA-
LA ad regnum cœlorum, & iter
rectum ad Paradisum DEI.



*Virgo Regina Virgi-
num! Summum Tri-
nitatis sacrarium, Angelo-
rum Speculum, S C A L A
Sanctorum omnium, tutum*


peccatorum refugium: cer-
ne ó pia nostrum periculum,
in morte placatum nobis osten-
de tuum Filium, & tuum vul-
tum gratiosum.

Orationem istam quadam Virgo ex so-
dalibus S. Ursula, docuit F. Hen-
ricum Carthus. dicens: Si assidue
dixeris Divæ MARIÆ: Omnium
Sanctorum gratiam assequeris. Ex
Chronic, Ordin, Carthus. Lib. 5.
c. 10.

Gloria perennis tibi
sit Spes nostra:
Quæ regnas in coelis,
tolle nos ad astra.

D. Bonav. in Psalt.

SCA-



SCALA MA-
RIANA, Justo-
rum & Pecca-
torum.



*Eata Virgo promisit
nuper cuidam sibi de-
vota, se cuicunque di-
centi sequentem orationem cum de-
votione : si fuerit in gratia DEI,
aucturam in corde ejus Divinum a-
morem ad unamquamque Salutati-
onem & Benedictionem in Oratio-
ne contentam : Si verò fuerit in
peccato mortali, velle se ad singu-
las Salutationes pulsare ad ostium*

cordis ejus ad excitandum illum,
 ut aperiret id ipsum Divinae Gratiae. Et
 adjecit, quod quando quis invenie-
 rit, quemquam in gravibus pecca-
 tis, & difficilem converti, quod
 bonum foret illum excitare, ut bono
 corde dicat, aut pro se dici faciat
 sequentem Orationem. Et experi-
 entia probatum est, quod hoc mi-
 raviles effectus in pluribus personis
 generaverit. P. Clottenus in Pal-
 meto Sacrae devotionis part 7.



Ave MARIA, Filia
DEI PA-
TRIS. Ave
MARIA, Mater **DEI**
FILII. Ave MARIA
 Spon-

Sponsa SPIRITVS SAN-
CTI. Ave MARIA Tem-
plum Divinitatis. Ave MA-
RIA pulchrum Liliū splen-
didissimæ Trinitatis. Ave
MARIA Rosa gratissima
totius curiæ cœlestis. Ave
MARIA Virgo Virginum,
Virgo potens & plena dulce-
dine & humilitate, de qua
nasci, & de cujus lacte pasci
REX cœlorum voluit. Ave
MARIA Regina Marty-
rum, cujus animam doloris
gladius pertransivit. Ave
MARIA Domina & Magi-
stra mundi, cui omnis pote-
stas data est in cœlo, & in
terra. Ave MARIA Regi-
na cordis mei, Mater, Vita,
dulcedo, & tota Spes mea.

Ave

106 SCALA MARIANA,

Ave M A R I A Mater ama-
bilissima. Ave M A R I A
Mater admirabilissima. Ave
MARIA gratia plena, DO-
M I N V S tecum, benedicta
tu in mulieribus, & benedi-
ctus sit Fructus ventris tui
J E S V S. Benedictus sit
Sponsus tuus S. Joseph, be-
nedictus sit Pater tuus S Jo-
achim, benedicta sit Mater
tua S. Anna, benedictus sit
Filius tuus S. Joannes, bene-
dictus sit Angelus tuus San-
ctus Gabriel. Benedictus sit
P A T E R Æ T E R N V S
qui te elegit, benedictus sit
F I L I V S tuus qui te dilexit,
benedictus sit S P I R I T V S
S A N C T V S, qui te despon-
savit, & benedicti sint omnes
qui

qui
Virg
nos
L

Fe

A

qui te amant & benedicunt,
Virgo M A R I A , benedic
nos Sancta Virgo cum F I-
L I O tuo charissimo ,
Amen.


Felix quæ generi
humano , sub
Tartara lapso,
Ad coelos facta
es fors , Via ,
porta , rota ,

Venantius Fortunat.

Ad

Ad maiorem
DEI, DEI-PA-
RÆ, ac Sancto-
rum omnium glori-
am, & peccatorum
solatium.

F I N I S.



Oratio

Quam Christus Dominus Beatam
Giertrudem docuit post horas recitanda


Blos: Mon: C. 3.


O Bone IESU propitius esto peccatori.
Ego tepidum, distractum, et imperfectum
servitium meum commendo mellifluo Cordi
tuo emendandum et perficiendum, tibi ip-
sum offero, in unione illius attentissime
Orationis, quâ tu Patrem orasti et lauda-
sti in terris. Responde, queso, Satisfac,
et supple pro me plenissime.


O Pissima Mater supple hoc imperfectum
Obsequium meum apud Dilectum Filium
tuum, Monstra Te esse Matrem.


O Pissime IESU, suscipe hoc idem de ma-
nu Sâ Matris tue, unitumq; tuis ac ejus-
dem Omniumq; Sanctorum Meritis Offer eter-
no Patri.


Sancta Giertrudis ora pro me. Offer pres-
ces meas Cordi IESU, a quo has didicisti.














1776

497

Fluct.



theca 1000 PLN
sium in Bielany

ce Jagiellońskiej



08246

G.I.5

Przed

Numer

82181
03



712455

Bibliotheca 1000 PLN
P.P. Camaldulensium in Bielany

Depozyt w Bibliotece Jagiellońskiej



08246

G.I.5

1776

497

F. Scott

